

德

蔭

堂

集

序

先文勸公少以文章入史館受

累朝知遇三掌翰林院事海內知名之士景公之行若圭臬然佩公之文若斧藻然所作單詞片語往往郵傳人口至久而不替然公仰荷

國恩常欲以功名經濟答

主知不屑屑於詞章之末每有作人所傳鈔爭誦謗爲秘寶者率隨手散去不復措意如兒童欣識面官吏素知名及一杯濁酒千山外萬里長途兩月中諸句見於王君隆川所稱今全篇已不復得

則遺佚之多可知也桂無似曩於定省之暇掇拾而謹藏之閱日既久得詩詞共若干首奏疏賦頌之屬共若干篇藏於篋衍乾隆丙子先公見背思發篋而編排之會準夷內訌

王師討捕餘孽甫滿百日奉

命赴北路軍營繼而定準夷平回部還駐伊犁比召還復

命總督雲貴迄於進剿兩金川荏苒二十餘載卒卒無斯須之暇及金川奏凱祇承

恩命封冠五等追維世德而痛先公之不及見也

廻泣然發篋衍所藏編排前後共爲若干卷嗚呼  
先公三使朝鮮宣示

中朝威德兩使準噶爾罷兵定界又典秋官最久  
宏猷碩畫載在

國史余小子不克指陳萬一而此所弄詩文亦非  
先公所重然仕宦之先後經歷之險易與夫忠君  
愛國砥行立名之旨於此可見其梗概因以藏諸  
家塾昭示子孫俾無忘祖德之所自若謂闢詞華  
矜聲律欲與當世文章家爭長於藝林文苑不獨  
非先公之意尤非余小子編輯斯集之意也

乾隆四十三年六月朔日男阿桂謹序

德蔭堂集目錄

卷首

年譜

卷一

賦

卷二

頌

卷三

詩 館課集

卷四

詩 水淀集 北遊集

卷五

詩 塞外集

卷六

詩 東遊集

卷七

詩 南遊集

卷八

詩 隨征集

卷九

詩扈從集

卷十

詩餘集

卷十一

詩餘集

卷十二

奏

卷十三

奏

卷十四

奏

卷十五

論

卷十六

記 政 議 辨 說 序 贊

阿文勤公年譜

公諱阿克敦姓章佳氏

始祖穆都巴顏世居於長白山之斐雅郎阿地  
方繼遷鄂謨和索羅國初來歸爲正藍旗人  
曾祖諱拔都護巴顏 詔贈光祿大夫  
經筵日講官起居注太子少保協辦大學士刑  
部尚書鑲白旗漢軍都統翰林院掌院學士曾  
祖妣貴氏 詔贈一品夫人

祖諱雅爾泰 詔贈光祿大夫 經筵日  
講官起居注太子少保協辦大學士刑部尚書

鑲白旗漢軍都統翰林院掌院學士晉 贈

光祿大夫 經筵日講起居注官太子太保

武英殿大學士領 文淵閣事管理吏部

戶部三庫衙門事務兼翰林院掌院學士

御前大臣領侍衛內大臣鑲黃旗滿洲都統一

等誠謀英勇公祖妣瓜爾佳氏陳氏 詔贈

一品夫人晉 贈一品公夫人

考諱阿思哈 詔贈光祿大夫 經筵日

講官起居注太子少保協辦大學士刑部尚書

鑲白旗漢軍都統翰林院掌院學士晉 贈

光祿大夫

經筵日講起居注官太子太保

武英殿大學士領

文淵閣事管理吏部戶

部三庫衙門事務兼翰林院掌院學士

御

前大臣領侍衛內大臣鑲黃旗滿洲都統一等

誠謀英勇公妣葛氏

誥贈一品夫人晉

贈一品公夫人

康熙二十四年乙丑

四月初二日卯時公生

二十五年丙寅

二十六年丁卯

二十七年戊辰

二十八年己巳

二十九年庚午

三十年辛未

三十一年壬申

三十二年癸酉

三十三年甲戌

三十四年乙亥

三十五年丙子

三十六年丁丑

三十七年戊寅

公十四歲是年入學

三十八年己卯

三十九年庚辰

公十六歲是年補廩生

四十年辛巳

四十一年壬午

公十八歲是年娶宜爾根覺羅氏夫人

四十二年癸未

四十三年甲申

四十四年乙酉

公二十一歲九月鄉試中副榜第五名

四十五年丙戌

四十六年丁亥

四十七年戊子

公二十四歲八月宜爾根覺羅氏夫人卒九月  
鄉試中式一百三十二名十月丁父憂

四十八年己丑

公二十五歲會試中式第二十名 殿試二

甲第八名授庶吉士

四十九年庚寅

五十年辛卯

公二十七歲繼娶那拉氏夫人

五十一年壬辰

公二十八歲四月授翰林院編修

五十二年癸巳

公二十九歲二月充河南鄉試副考官十月充

日講起居注官十一月丁母憂十二月特

旨陞翰林院侍講學士是年恭遇

覃

恩誥授奉政大夫

五十三年甲午

五十四年乙未

五十五年丙申

公三十二歲十月轉翰林院侍讀學士

五十六年丁酉

公三十三歲八月初三日子阿桂生

誥贈

一品公夫人韓氏出九月賚

賜空青奉使

朝鮮十月陞詹事府詹事充

經筵講官十

二月賚

詔奉使朝鮮

五十七年戊戌

公三十四歲四月充

殿試讀卷官十月充

武殿試讀卷官是月陞內閣學士兼禮部

侍郎

五十八年己亥

五十九年庚子

六十年辛丑

公三十七歲四月充

殿試讀卷官十月充

武殿試讀卷官

六十一年壬寅

公三十八歲三月以

冊封世弟奉使朝鮮

十月陞兵部右侍郎十一月兼翰林院掌院學  
士十二月充 聖祖仁皇帝實錄副總裁是  
年恭遇 草恩誥授資政大夫賜子阿桂一  
品蔭生

雍正元年癸卯

公三十九歲十月充武 殿試讀卷官又充  
四朝國史館副總裁

二年甲辰

公四十歲五月充會典館副總裁十一月充繙  
譯鄉試副考官十二月 冊封國王奉使朝

鮮

三年乙巳

公四十一歲二月充治河方畧副總裁七月著  
在都察院副都御史裏行是月補授禮部左侍  
郎仍兼兵部右侍郎

四年丙午

公四十二歲三月充繙譯鄉試副考官四月兼  
國子監祭酒調兵部左侍郎是月    命署兩  
廣總督五月暫攝廣州將軍印務

五年丁未

公四十三歲四月調吏部左侍郎六月署廣東  
巡撫九月署廣西巡撫十一月回部辦事

六年戊申

公四十四歲六月革職

七年己酉

八年庚戌

九年辛亥

公四十七歲七月授爲內閣額外學士隨撫遠  
大將軍印從阿爾台一路出征

十年壬子

公四十八歲七月子阿桂入學十一月那拉氏  
夫人卒

十一年癸丑

公四十九歲十月派隨定邊左副將軍印進兵  
黃雅舒魯克

十二年甲寅

公五十歲二月辦理札克拜達里大兵糧餉六  
月自軍營    召還八月    命同侍郎傅鼐  
副都統羅密使準噶爾

十三年乙卯

公五十一歲四月自準噶爾回京署鑲藍旗滿洲副都統五月署工部侍郎八月充八旗志書館副總裁九月命以侍郎守護山陵

是年恭遇覃恩誥授資政大夫賜子

阿桂二品蔭生

乾隆元年丙辰

上學習行走

二年丁巳

公五十三歲九月命管理泰陵工部

事務

三年戊午

公五十四歲 命充正使同 御前侍衛  
旺札爾頭等台吉額默根使進噶爾議定地界  
十一月補工部右侍郎十二月自準噶爾回京  
是年九月子阿桂順天鄉試中式

四年己未

公五十五歲三月充 殿試讀卷官七月轉  
工部左侍郎八月充繙譯會試副考官十月充  
武 殿試讀卷官十二月充一統志館副總

裁是年六月子阿桂補兵部主事

五年庚申

公五十六歲三月調刑部右侍郎尋轉刑部左侍郎四月教習庶吉士五月調吏部右侍郎閏六月轉吏部左侍郎七月充經筵講官是

年六月孫阿廸斯生子阿桂陞兵部員外郎

六年辛酉

公五十七歲四月協辦步軍統領刑名事務

七年壬戌

公五十八歲三月署正白旗漢軍都統

八年癸亥

公五十九歲六月兼授鑲藍旗滿洲都統是年  
二月孫阿思達生子阿桂陞兵部郎中

九年甲子

公六十歲六月孫阿彌達生

十年乙丑

公六十一歲三月充會試正考官五月兼翰林  
院掌院學士六月充日講起居注官

十一年丙寅

公六十三歲閏三月陞都察院左都御史在議

政處行走五月陞刑部尙書

十二年丁卯

公六十三歲八月充順天鄉試正考官

十三年戊辰

公六十四歲正月協辦大學士四月奉

旨

不必協辦是月翰林院奏進冊文繙譯錯悞革

職交刑部定罪五月加

恩寬釋署理工部

侍郎內閣學士兼禮部侍郎閏七月充

經

筵講官署刑部尙書協辦步軍統領刑部事務

又補鑲白旗漢軍都統九月充會典館總裁稽

察欽奉

上諭事件又充篆書館副總裁十

月兼翰林院掌院學士充

日講起居注官

十二月協辦大學士充

國史館總裁

十四年己巳

公六十五歲二月加太子少保七月

上幸

木蘭命總理在京事務兼署步軍統領十月

賜紫禁城騎馬十二月

賜御書協中輔

治區額

十五年庚午

公六十六歲七月

上幸豫省

命同履

親王和親王在京總理事務九月兼署都察院

左都御史

十六年辛未

公六十七歲正月署步軍統領是年恭遇

覃恩誥授光祿大夫

十七年壬申

公六十八歲十月 賜青狐端罩十一月子

阿桂補授江西按察使

十八年癸酉

公六十九歲三月子阿桂陞內閣侍讀學士七

月孫阿廸斯阿思達同入學

十九年甲戌

公七十歲四月充 殿試讀卷官是月生日

賜御書贊元錫嘏匾額及如意藏佛蟒袍

補褂朝珠

御膳五月

上幸熱河吉林

命同莊親王恂郡王大學士來保史貽直  
在京總理事務

二十年乙亥

公七十一歲正月公患目疾請假

上許之

派太醫院院判施世琦胗視是年四月子阿桂

陞內閣學士兼禮部侍郎因屢次陳情六月奉上諭令以原官致仕

二十一年丙子

公七十二歲正月二十三日戌時病卒

上

遣散秩大臣一員率同侍衛十員奠茶酒又賞

銀一千兩辦理喪事應得卹典勅部詳議具奏

等禮部議請賜祭葬如例謚文勤是年二

月葬於左安門外之楊坊村乾隆四十二年恭

遇覃恩晉贈光祿大夫經筵日

講官起居注太子太保武英殿大學士領

文淵閣事管理吏部戶部三庫衙門事務兼翰  
林院掌院學士 御前大臣領侍衛內大臣  
鑲黃旗滿洲都統一等誠謀英勇公

德蔭堂集卷一

長白阿克敦撰

曾孫那彥成校刻

賦

春殿晴曛赤羽旗賦

以題爲韻

惟一人之有慶鼓萬物之同春參三才以贊化育  
順四序以致和純開運會之方盛廟疆土之無垠  
大著武功之赫赫遠敷文教之彬彬勤至治於宵  
旰返皇風於樸淳允矣於今爲烈誠哉亘古誰倫  
爾乃正位北辰端拱南面敞煥若之金堦聳巍然  
之玉殿衣冠集中外之懽劍佩連昇平之彥奏仙

樂而降自雲衢望天顏而遙分宮扇仗列九仞之  
儀目迷五色之絢于斯時也漏籤頻下庭燎尙明  
值協風之應候喜瑞雪之初晴飛宿雲而色歛淨  
埃垢而氣清耿踴星而未滅淡微月之猶橫俄東  
方以漸白伊曙靄之潛生晞泥泥之夜露升曠曠  
之朝曛覺和光之動蕩滿佳氣之氤氳陳司常之  
名物帶彤庭之旦昕霓旌拂青枝而搖曳鸞旗插  
碧漢而續紛夫其旖旎從風而影移招搖垂地而  
光射炳七曜之雜陳法五方而互易近鳳闕之玲  
瓏邇天威之咫尺陋晉制之五牛比周家之大赤

若乃繪芙蓉畫龍虎樹修竿飾朱羽似鳳翼之張  
空如虹光之收雨雜萬歲之呼聲助千官之蹈舞  
當首令之乘時拜明君之御宇於是裊香篆飄華  
旗聽山鶯之婉轉度海燕之差池艷吐名花之片  
片烟繁御柳之絲絲願持杯而獻壽敢載筆而賡  
詞

日華承露掌賦

以題爲韻

當淑氣之回春值青陽之應律霜過候而減威露乘時而表吉垂永夜以沾濡墜長空而飄逸色皎潔以騰輝體虛明以賦質澤渙三時而難言功施萬物而誰匹雲中縹緲祥光正麗乎銅盤海上曈曨瑞彩遙睇乎初日爾乃形墀曙色紫闕朝華欽依依之薄霧舒靄靄之明霞長青青之嫩草放灼灼之新花伊晶瑩之可愛動晨曦而倍嘉夫其瀼瀼兮陵殿宇而空集纍纍兮蠹金莖而高承時經風而不定更向曉而偏澄清如玉綴圓若珠疑歌

湛則周詩入興降甘則漢代爭稱固自天之靈液  
非在夏之壺冰若夫廣被千林遙沾萬樹於物奚  
擇含恩似布滋綠野而生新潤青山而如故攷載  
籍之芳名信盛時之佳露於是沛天際之宵零貯  
臺上之仙掌射碧漢以成文渙羲車而耀晃狀天  
酒而無別類神漿而不爽思添獻壽之杯爰結凌  
雲之想

雲無心以出岫賦 以題爲韻

維靈嶽之峻峙毓佳氣以生雲度林際而繚繞過  
谿畔而氤氳或升或沉覩飄揚之有象乍來乍往  
遊浩渺之無垠於是摩蒼穹離碧岫搖曳郊原彌  
綸宇宙如華蓋之凌虛似奇峯之聳秀時流彩於  
深宵每垂形於清晝夫其觸石乃成從龍忽出舒  
則颯沓其來卷則消融無質裏逸態之相呈幻閒  
容之不一覆緣水兮潺湲帶青山兮峯崕僻供隱  
士之吟祥書太史之筆若夫飛遙天而常淨淡晴  
空而若無旣依依而漸布遂渺渺以輕敷乘太虛

於俄頃翔大化於須臾惟思慮之不事任體象之  
多殊至於喜膚寸之初合應物候而爲霖暭長天  
之積靄賊平野之濃陰協和風之習習助好雨以  
淋淋乃順時而布化雖濟物乎何心是故漠漠兮  
上騰英英兮鬱起變四序之殊姿歷八荒以廣被  
總出沒之相忘固意必之不以肖君子之行藏類  
至人之動止

寒夜讀書賦 以題爲韻

顧頊司令萬象凝寒霜飛林而葉脆風薄物而聲  
乾沒羲車之赫景凍池水之清淵望雲陰兮漠漠  
對雪影兮漫漫圍爐而茶烟乍緩墐戶而斗室常  
寬思先哲之不見念獨處之難安駒隙如馳時倏  
忽其殆暮流光似電歲荏苒以將闌伊文史之紛  
列願智力之悉殫然長年已逝每有味于三冬而  
短日旋過尤取資於五夜彼夫晚鴉噪集於空枝  
初月照臨乎曲榭星微微而若動河耿耿而疑瀉  
屏簾喧以漸遠欣寂靜之多暇青燈灼耀兮盈屋

壁以生輝仙漏迢遙兮度疎櫺而頻下撫永夕之  
怡人覽芸香之滿架緣好古以情深欲竭才而難  
罷於是檢瑤函展玉軸不去諸心常存於目知人  
論世憑茲以尙友乎千年溫故知新卽此而何厭  
其三復誠有志於追琢之章慎無慚於夷稗之熟  
肆典籍之遐搜慰閒居之幽獨聲和牆外之宵雞  
坐聽窓前之冷竹慕高山而矢景仰之方殷佩明  
訓而懼功力之不足敢言遂棄乎筌蹄惟期致勤  
夫誦讀若乃蘭臺肅穆虎觀清虛絕紛華以不事  
息奔走以悉除栖孤懷以淡泊溯遺義於詩書富

哉惠子五車之積廣矣仲宣萬卷之儲苟知寸晷  
之足惜或曠百世而貺予

讀書當以三餘賦以題爲韻

伊載籍之紛陳實斯文之彬郁對往古以馳情撫遺編而展讀列架上之牙籤檢憲前之玉軸歷四時而無間寒暄破萬卷而常存心目晨夕不懈其精勤晦明每感夫幽獨故夫名山有不傳之業秘閣多未見之書晤羹墻於先哲慰離羣之索居屏塵氛而不卽滌煩慮以悉除是究是圖感流光之易逝希賢希聖非學力其孰當方霜風之凜冽值朔雪之飛揚飄空林之落葉凍瘦日之曦光閉戶則寒圍爐火開卷則氣雜芸香若乃夜以繼日案

有縹緲燒銀燭以漸短滴玉漏之方長固好古之  
獨至因廢寢以相將至於望陰雨之冥濛瞻密雲  
之鬱起阻登臨之逸興靜一庭之栖止爰適志於  
幽閒用怡情於圖史於斯時也坐踈窓憑棐几窮  
浩博於淵深晰微茫於疑似發古今之英華契聖  
賢之奧旨惟斯須俄頃之不輟信藏修游息之所  
以夫其騰輝寶笈啟秀琅函博耳目以遠取肆智  
力之幽探儒者之心無他適而主一至人之學閻  
章編而絕三冉冉兮歲月忽忽兮居諸遐擗四庫  
之積廣覽五車之儲有取於分陰之珍惜無負乎

寸晷之暇餘

元孫容

照

校字

德蔭堂集卷二

長白阿克敦撰

曾孫那彥成校刻

頌

舉孝子頌并序

臣聞孝者天之經地之義民之行也故天子諸侯卿大夫士庶人莫不以孝爲本而天子之孝異於卿大夫士庶人者蓋以聖人而居天子之位門內之行旣無遺憾而風化之潛移默運自有以推諸四海而不匱也夫天下之大各親其親則人心順人心順則風俗醇風俗醇則太和之氣溢於兩間

而禮樂政教於以坐臻上理而無難接古論者皆以孝爲百行之原而大孝性生倡於上以率乎下者自生民以來

皇上一人而已

皇上精一傳心中和立極

御極五十年文治武功無以復加而宇內之飲和食德者亦名言之莫罄矣然而

孺慕之誠朝夕不間凡巡河咨嶽勸農省邊奉

皇太后以至

行在問寢視膳與

宮中無異而祿位名壽以彰大德而徵大孝者又有以極帝王之盛操至德要道以順天下豈過於斯哉

皇上猶恐孝治未敷

特命大臣各舉孝行俾山陬海澨匹夫匹婦咸得觀感以盡子職誠曠典也應斯舉者移孝作忠以上答

皇上知人之哲於以移風易俗人人皆爲孝子將見光天化日之下熙熙皞皞諸福之物可致之祥無不竝臻固有以駕唐虞而邁三代矣敢以芻蕘

之言頌揚

聖德之美其詞曰

聖人首出兮應昌期皇極建兮太平基陰陽順布  
兮風雨時天地清寧兮民物熙永言維則兮在孝  
思愛敬盡兮德教施和睦敦兮風化移命重申兮  
夫何疑孝治天下兮本無虧比戶謗然兮少乖離  
和氣致祥兮類相隨舞鳳來兮產瑞芝

帝德廣運兮被無涯生逢

盛世兮何幸如之願竭愚衷兮獻頌詞

萬年頌并序

臣聞天行健而運資始之功聖至誠而徵不息之久作君作師之寄天以佑聖者佑民大智大仁之全聖以壽身者壽世故正位凝命握符闡珍獨以參贊平成之績主持運會之隆也欽惟

皇上

聰明睿智

文武聖神

統遐邇以照臨

致中和而位育

符乾道利貞之保合

歛皇奠敷錫之康寧享

五紀之昇平光華復旦慶

七旬之福履壽考維祺臣俯抱葵忱仰慚燕賀載

稽史冊已比擬之無倫欲矢頌揚乃名言之莫罄

敬述見聞鋪陳萬一

聖人首出臨御八荒用中建極厯服綿長涵蓋兩  
大度越百王自生民後未有我

皇昭事

上帝肅雍以將繼承

列祖謨烈孔張惟

聖至孝錫類無方惟

聖至仁布澤彌彰敦篤本支九族親睦恩先自近  
以受天祿人躋春臺耆年多福引養引恬衣帛食  
肉惟

聖愛民蠲租賜復屢發帑金頻施倉穀念切農桑  
圖繪尺幅惟

聖重士菁莪棫樸皇極敷言課其誦讀廣額加科  
人文炳郁

聖世分理

帝簡在廷有賢必進有奸必屏

聖德如天刑期無刑赦過宥罪萬國咸寧惟

聖崇儒躬詣闕里表彰正學榮及諸子惟

聖勤政河干親視安瀾底定自今伊始惟

聖宏文心傳精一道徹源流學兼作述制厯授時  
依聲和律深究數元毫釐不失訓誥詩歌磅礴洋  
溢雲漢之章奎文之筆

御藻輝煌衆法俱畢惟

聖振武古莫與京逆藩蕩掃絕島澄清紅苗向化  
青海歸誠有元遺裔種落胥平大漠窮民叩附邊

城乃有小醜自致王征六師

親統雲捲烟晴不殺爲武

帝德好生宥彼餘孽未絕其萌背恩負固肆虐恣行爰

命貔虎凱奏功成烏斯進克

睿慮籌兵

聖壽無疆

皇圖永固誕受繁禧克享遐祚三九頻紀六甲初度曠代未逢休風廣布微臣謨陋幸附班聯巍巍蕩蕩測海窺天太和翔洽景運昭宣民殷物阜璧

合珠聯貞元之會周而復旋如岡如陵如日如川  
稽首獻頌億萬斯年

聖武遠揚青海平定頌

有序

皇上繼紹丕基懋昭仁孝郊禋廟享必躬必親立  
政揆幾惟誠惟敬飭官方以廉潔勵風俗以儉勤  
尊師崇圭璧之封造士拔珊瑚之網蠲逋賦而羣  
遊化归念祥刑而共躋春臺至於大禮所在無不  
次第舉行是以慶雲靄空甘霖被野山川獻瑞草  
木呈祥億兆喁喁而向風六宇蒸蒸而從欲時維  
御極之二載適當姑洗之初旬青海蕩平

王師奏捷蓋布揚

聖武於

文德誕敷之日也曩者青海部落自扎什巴圖魯歸附

本朝以來兄弟八家並膺顯爵逆賊羅卜藏丹津等襲承舊業仰沐

鴻恩屢有罪愆悉蒙寬宥顧乃敢行背負妄肆跳梁戕効順之人集脅從之衆自殘骨肉更擾疆圉我

皇上不殺爲武予以自新而狡寇怙惡罔悛上干天討

特命督臣年羹堯爲撫遠大將軍授以方畧示以

機宜三敗賊師殄滅殆盡羌番之種類總隸版圖  
狐鬼之孤踪猶思奔竄爰

遣將帥直搗其巢斬馘旣多俘獲無算渠魁助惡  
偕賊母而就擒部衆求生擁降旗之載道荒林邃  
谷雖窮蹙而易衣瓦解灰寒不旋踵而授首來奇  
兵於天上功成半月之間殲逆黨于囊中威震八  
荒之外如飛如翰如霆如雷稽古有苗之來鬼方  
之克未能若是之神速也惟

皇上以不忍之心行有征之舉仁育義正秋肅春  
溫故大一怒而靖邊塞之烟塵明九伐而措生民

於祚席從此東漸西被聿彰萬方玉帛之休近悅遠來永著一統車書之盛臣備員館職得以歌咏太平敬作頌九章章八句詞曰

惟

聖憲天撫寧寰宇物阜民安風行化溥萬國攸同拱辰作輔蠢爾不庭用揚我武一章

在昔青海稽首稱臣糜以好爵重以王綸赦宥宥罪涵覆無垠

深恩敢負乃動邊塵

二章

帝德好生訓諭孔厚思逞其奸六師奮掊桓桓將

軍

睿謀斯受殲滅無餘實彼之咎

三章

天威震疊聲討昭然貔貅効命執銳披堅旌旗翼  
翼金鼓闢闔師貞協吉所向無前

四章

薄其穴巢空其壘壁併厥逆魁爰及黨戚迅掃窮  
追雷轟電激全軍之捷不遺寸鏑

五章

釜魚之逝穴鼠之奔易衣匍匐赴壑投源輜重噐  
仗山積雲屯烽清西極永奠黎元

六章

克奏膚功易如指掌

念茲將士鴻施爵賞圭組賛榮金幣示獎

一人有慶錫福穰穰七章

告成以禮式廓鴻圖金泥玉檢神覲聿孚浹辰之  
績千載之謨布詔中外叶瑞凝符八章

柔遠以仁除殘則義底定遐荒凱旋歌吹春日載  
陽和風廣被庶類熙熙光昭天地九章

聖駕親詣太學大禮慶成頌

并序

夫宣德化者治世之鴻圖廣教思者興朝之隆軌  
故於論鼓鐘所以象其成圜橋觀聽所以彰其盛  
也洪惟

皇上體天立極握瑞凝庥宏昭位育之能不著文  
明之運師儒慎簡董戒多方旣

賜恩科復徵實行烝髦造士道一風同矣而於  
先師孔子尤極尊崇錫類推仁緣情制禮晉秩美  
尼山之報譜牒生輝顯親慰

至聖之心烝嘗式煥洵生民之未有亦亘古所希

聞聿考釋奠之儀特舉臨雍之典猶以舊稱幸學  
於意未安爰降

新綸更幸爲詣理歸至當超百代而樹型名必合  
宜表萬方而作則辭文旨遠欽

睿識之高明玉振金聲仰

王心之宥密於是宿

齋宮備

法駕從卿士陪王公牲牷致潔酒醴維馨藹藹春  
雲響徹九成之奏森森古柏陰連萬仞之牆

天子穆穆而告虔百爾峩峩而襄事夫且

陞黃幄

御講筵揭大學之首章用示修齊治平之要闡虞廷之數語允接危微精一之傳奉指授於

宸衷文同典誥溯源源於載籍道燦日星近和霽於

天顏荷裁成於

帝德躊躇鵠列遊化日之舒長濟濟青衿被光風之披拂大禮旣協

惠愷頻施聖裔歡浹於成均多士恩露於解額乃上升配之議重肅肅之明禋再增博士之員衍綿

綿之世澤置五經之選碩學彈冠進譽序之名英才鼓篋非徒于邁之際歌樂育於萬人將見後志之傳徧甄陶於四海矣

臣目覩

皇風之翔洽躬逢

至治之光昌擬議無窮形容莫罄謹拜手稽首而獻頌曰

聖人御字作君作師邇新雅化俗易風移四方維則庶績咸熙求賢若渴博采旁咨鴻獎儒術崇尚宣尼恩推及遠禮盛於茲爰念成均首善之地

萬乘躬臨稱名取義

皇衷淵穆夐乎莫企肅肅宮牆離離廟器多士觀  
光所司敬事實意用孚儀文備至迺

命講學古訓式遵雲日在卽觀德聿親日經日書  
有要有倫心源治體昭揭星辰春風拂拂善誘循  
循南金東箭胥就陶甄鉅典已成

洪施方茂

睿慮彌殷議增安侑旣表前徽復光厥後泮水秋  
香聯翩輻輳通經稽古敷榮競秀載咏青莪載歌  
薪槱嶰谷之管協乎清商丹鳳之羽鳴於朝陽英

才濟濟

盛世之祥徵臣珥筆敢效賡揚文明有象圖繪無方瞻彼高厚

帝德難量

平定金川頌并序

蓋聞綏懷端在文命而耆定厥有武功盛美用昭  
譜之饒吹大猷斯煥鐫以鼎鐘維

皇帝御宇之十四年二月望前一日平金川捷奏  
上聞三輔騰歡祥開九土

兩宮錫慶霽麗層霄先是莎羅奔郎卡二首者等  
夜郎之自太類有苗之弗恭絕險偷安聊成蟻聚  
經時緩死惟待鷹揚自擁麾乖統馭之機專閩鮮  
忠誠之節緣繩度索屢煩諭蜀之文東馬懸車未  
著籌邊之效於是經畧大學士忠勇公傅恒桓桓

策府親受

廟謨倅倅元臣特膺

帝簡丹誠皎日三門騰蹕熊羆浩氣凌雲八陣糾盤龍虎旌旗遙指象地水於行間帷幄高騫肅風霆於部下山連雲棧不言繭足之勞雪積桃關益勵援桴之志封章夜草良謀悉合神機羽檄朝揮妙算能驚鬼膽良爾吉者性同狡兔爲窟多方形似妖狐依城有術至則殲諸賊界傳示羣番奸首先誅早奪么虧之魄堅碉旣克益張撻伐之威飛礮轟雷兇徒紛潰高牙摩漢祇壘洞開橫玉弩以

星馳直壓巴郎之境揚琙戈而電掃平臨刮耳之  
崖鼠有穴而將夷峩乎授首虎在嵎而難負渺矣  
游魂所謂無敵弗摧趁秋風之捲籜何攻不克舒  
夏景以融冰矣爰及椎髻班衣束身匍匐花門卉  
服泥首逡巡氣盡析骸自分鯨鯢是斬誠傾乞命  
誰令天日重瞻經畧乃布

皇仁三面解好生之網敬宣  
明詔七擒成不殺之功

聖朝之遠畧方新上將之神威彌耀誓深六事指  
海枯石爛以無渝臺聳千峯與日照月臨而並峙

乞慈化國虔頂金仙作鎮蠻荒願祠銅鼓以及火  
山猿洞水窟苗陬一皆懾以  
皇靈濡之

元化莫不歡忻鼓舞厥角齊摧震動恪恭剖心無  
貳馳書獻捷杏花飛露布之香振旅班師楊柳颺  
春旗之色在昔有媯舞羽來格猶俟七旬涿鹿興  
師一戰尙迷五里蕩平也如彼神速也如此惟  
帝曰俞嘉乃丕績惟臣欽若告厥成功蓋厯覽夫  
前編未足方茲

隆軌從此十洲環海咸滋太液之波萬里層城並

薦甘棠之樹奇肱鑿齒候夜月以歸琛蟠水流沙  
驗天風而納賛臣躬逢

景運職領清班敬竭固陋之忱敢效賡颺之義爰  
拜手稽首而獻頌曰

皇帝至德承

天之祐曰日以暄曰雨以澍八絃遙遠氣煦體嫗  
蠢茲彈丸敢負厥固邊吏爰訴匪德攸喻太阿在  
懸

皇帝聖武一章

疇咨奮庸傅巖有相風后力牧欽哉汝往山川輝

光風雲誅蕩堂堂六師忻得大將

錫之熊旂彤弓交轍于禡于社威命用享

二章

相拜稽首

廟謨孔昭元戎十乘自我西郊

天子餕之金尊翠翫百辟卿士蒞班不佻乃訓於  
羣帥如虎斯虓山苞川流用靖繹騷

三章

悠悠旆旌於晉之陽自隴徂川載馳弗遑雪山峩  
峩大渡洋洋桃闕嶽寄舍我乘黃渡瀘伊誰我其  
敢康下馬率先以達於殊鄉

四章

我師旣陳先亟其醜誕告爾諸番惟大義之剖乃

勵九攻高驥罔後奮我震霆重摧疊朽有惄而伏  
無鋌而走悔爲戎首自罹大咎五章

易子析骸是用告哀蹶蹶稽額乞其子遺凸面凹  
頂繫囚纍纍兒號婦啼昔嶺之崖言言語語謂前  
蹈於狂迷

帝仁如天服則舍之六章

其時仲春月之五日爰受其降高臺崩勞維彼渠  
魁懼弗敢匿維六事永遵曳踵行膝何遐何荒我  
威我德其自今以往順

帝之則

七章

帝曰汝相予嘉汝庸加汝章服爵汝上公曰汝遄  
歸日贊我天工豹尾揚揚宛馬麗麗翩彼春風言  
旋於東輶叟巴童歌舞率從八章

五旬告功闢闔振振

臨軒受之蠻方耆定煥乎有文

皇謨

帝訓勒之辟雍惟

德廣運億萬萬年宣昭令問用告于

天

祖載篤其慶

九章

惟

天惟

祖景命溥將

兩宮燕喜純嘏是常

鴻名

顯號玉冊金章惠此萬國俾壽而康山梯海航近  
天子之光屢豐穰穰容保民無疆十章

元孫容

照  
恩校字